



Fylkesmannen i Hordaland

Sakshandsamar, innvalstelefon
Eirik Brynjelsen, 55 57 21 70

15-December-2016

Vår dato
12.12.2016
Dykkar dato
17.10.2016

Vår referanse
2016/13349 512.1
Dykkar referanse

Meland kommune
Postboks 79
5906 Frekhaug

Løyving UTM - prosjekt *Hand i hand; jordmassar frå utbygging som ressurs for samfunnet*

Me viser til søknad dagsett 17.10.16 om støtte til prosjekt *Hand i hand; jordmassar frå utbygging som ressurs for samfunnet*, med tilleggsinformasjon i mail motteke 09.12.16. Saka er handssama etter Supplerande tildelingsbrev 2016 til Fylkesmannen frå Landbruks- og matdepartementet (LMD 15/1720) dagsett 08.02.16, og etter føringar i Regional næringsstrategi for landbruket i Hordaland 2013-17.

Vedtak

Landbruksdirektøren i Hordaland løyver kr. 75.000,- til medfinansiering av prosjekt Hand i hand; jordmassar frå utbygging som ressurs for samfunnet. Løyvinga er avgrensa til 75 % av totalt budsjett kr. 100.000,-.

Vilkår

- prosjektet vert fullfinansiert og gjennomført
- vedtaket er gjort uavhengig av eventuell areal-/plansakshandsaming relatert til saka hjå Fylkesmannen, om det skulle verte aktuelt, og gir ingen føring eller indikasjon på slik
- søkar må kommunisere med Lindås kommune om røynslene frå tilsvarande prosjekt, vår ref. 15/5498: *Mottak av jord og stein frå industriområde på Mongstad for å forbetre eksisterande jordbruksareal...*, og eventuelle relevante samanlikningar må diskuterast i sluttrapport så langt mogleg. Søkar må og kommunisere med Norsk Landbruksrådgiving Vest sitt prosjekt *Overskotsmassar – problem eller ressurs*, om dette er relevant
- eventuelle endringar i prosjektplan skal søkast skriftleg til FMLA
- oppmoding om sluttutbetaling må følgjast av sluttrapport og –rekneskap

Utgreiing

Det omsøkte tiltaket er ei lokal og praktisk oppfølging av forprosjektet *Ta vare på matjorda - jordmassar frå problem til ressurs* og prosjektet *Ta vare på matjorda - rettleiar for kommunane*, som Meland kommune utførte på vegner av Nordhordland og partnerskapen og som med støtte frå høvesvis UTM og skjønnsmidlar, fekk utarbeidd mellom anna rettleiar for kommunal sakshandsaming i jordflyttesaker. Målet var om mogleg å stimulere til meir konstruktiv bruk av jordressursar ved reetablering av landbruksjord, heller enn relativt utstrekt bruk av massetippar.

Meland kommune ønskjer med dette å implementere kunnskapen frå prosjekta med utgangspunkt i konkrete saker.

Landbruksavdelinga har vore engasjert i jord- og overskotsmasseproblematikken og potensialet i fleire år og ønskjer nokre pilotar/case både på sakshandsamingssida, og seinare på entreprenørsida, knytt til Norsk Landbruksrådgiving Vest sitt prosjekt *Overskotsmassar – problem eller ressurs*, som er venta å ferdigstille ein praktisk rettleiar for entreprenørar, bønder etc i 2018.

Utbetaling

På oppmoding frå søkar kan inntil 75 % av løyvinga betalast ut i prosjektperioden. 25 % vert halde att til prosjektet er sluttrapportert og godkjend. Krav om utbetaling skal være skriftleg, og vert rekna som aksept av vilkåra for tilsegna. Krav om sluttutbetaling skal leggjast ved rapport og revidert prosjektrekneskap. Reduserte kostnader i høve til budsjett vil vanlegvis føre til tilsvarande reduksjon i tilskotsutbetaling.

Prosjektet må være ferdigstilt og rapportert FMLA Hordaland innan 31.10.2018.

Med helsing

Åse Vaag
Landbruksdirektør

Eirik Brynjelsen
Seniorrådgjevar

Brevet er godkjent elektronisk og har derfor inga underskrift.

Dette vedtaket kan De klage inn for Landbruksdirektoratet, ved å stile ei eventuell klage til Landbruksdirektoratet og sende denne til Fylkesmannen i Hordaland, Landbruksavdelinga. Klaga bør vere grunngjeven, jf. § 32 i Forvaltningslova. Klagefristen er 3 veker rekna frå den dagen De mottok denne meldinga.